

DROB'N, AUF DA MATZ'N

Hubert Stefan

Im Herbst is' es g'wesen,
da ham ma uns g'sagt,
die Höhl'n war zen vamess'n,
we ma uns vorig's Jahr so geplagt.
- Drob'n, auf da Matz'n -

Die Sach' war beschloss'n,
die Stief'l geputzt,
die Lamp'n aufglod'n,
weil sie da als a laorer nix nutzt.
- Drob'n, auf da Matz'n -

Da Samstag is' kuman,
mir fehr'n hurtig los,
da Schrank'n war off'n,
auf "los" geht's halt los!
- Drob'n, auf da Matz'n -

Aba auf amol -- o Schreck --
a bleua VW,
da Förster steigt aus,
was das haßt, wißt's jo eh.
- Drob'n, auf da Matz'n -

Sei' Blick der war grimmig,
uns werd'e schon ganz bang,
und wie ma dann aussteig'n,
hat er uns erst derkannt,
sei G'sicht geht in die Brat'n,
freundlich red' ma a Weil',
da g'spürt ma halt'
Die Welt is' noch heil
- Drob'n, auf da Matz'n -

Mir wert'n a bißl,
daß ma die Gams nit vatreib'n,
no, tur' ma halt a bißl später
ins Loch obesteig'n.
- Drob'n, auf da Matz'n -

Endlich war'n ma dann ob'n
ham den Schleifsack gepackt,
den Schlotz angezog'n,

10

und seind zum Eingang hing'stapft,
und dann sei' ma obe,
ham die Höhl'n vameß'n,
jeden Wink'l ausg'leuchtet,
um nix zu vageß'n!
Glüh'n obe den Schacht,
da Petzi werd haß,
und dann tua ma jausnen,
an Speck und an Kas!
Aba nachher werd gearbeit',
die Stana vatrog'n,
denn irgendwo geht's weiter -
Lei wo? kana kann's sag'n.
- Drinn', in da Matz'n -

Nach ana Weil' Arbeit
tuat sich a Spaltale auf,
aba zan Obesteig'n z'eng,
kuma baold drauf.
So arbeit' ma halt weiter
lei die Zeit is' schon um,
und wir müssen wieder aufe,
sunst nimmt's uns wer krumm!
- Drob'n, auf da Matz'n -

So steig' ma halt aufe,
an Schacht nach'n andern,
und kuman dann ausse,
tuan zum Auto hinwandern,
fahr'n obe zan Wernig,
trink'n a Bier oda an Most,
essen an Reindling,
oda an Toast.
- Drunt'n, beim Wernig.

Werd viel gred't, viel dazählt
von früher - von heut.
Oba gach fahr'n ma ham,
es is' jo schon Zeit!
Oba mir kuman wieder,
das steht schon längst fest,
dann arbeit' ma weiter,
denn es is' ja a Metz
- Drob'n, auf da Matz'n -

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Höhlenforschung Kärnten](#)

Jahr/Year: 1982

Band/Volume: [5](#)

Autor(en)/Author(s): Stefan Hubert

Artikel/Article: [Drob´n auf da Matz´n 9-10](#)